

Bil. S 7

PERLEMBAGAAN NEGARA BRUNEI DARUSSALAM
(Perintah di bawah bab 83(3))

PERINTAH AKTA PENYALAHGUNAAN DADAH (PINDAAN), 2002

Pada menjalankan kuasa yang diberikan oleh ceraian (3) bab 83 dari Perlembagaan Negara Brunei Darussalam, maka Kebawah Duli Yang Maha Mulia Paduka Seri Baginda Sultan dan Yang Di-Pertuan dengan ini membuat Perintah yang berikut —

Gelaran.

1. Perintah ini boleh digelar sebagai Perintah Akta Penyalahgunaan Dadah (Pindaan), 2002.

Pindaan Jadual Kedua kepada Penggal 27.

2. Jadual Kedua kepada Akta Penyalahgunaan Dadah adalah dipinda —

(a) dengan memotong, dari bab 3 dalam ruang pertama, butiran dalam ruang kedua yang berkaitan dengan "Memperdagangkan methylamphetamine tanpa kebenaran" dan menggantikannya dengan butiran yang berikut —

"Memperdagangkan methylamphetamine tanpa kebenaran, jika banyaknya —

(a) tidak kurang dari 20 gram dan tidak lebih dari 50 gram

(b) lebih dari 50 gram";

(b) dengan memotong, dari bab 3A dalam ruang pertama, butiran dalam ruang kedua yang berkaitan dengan "Memiliki dadah terkawal tanpa kebenaran bagi maksud memperdagangkannya, yang mengandungi methylamphetamine sebanyak" dan menggantikannya dengan butiran yang berikut —

"Memiliki dadah terkawal tanpa kebenaran bagi maksud memperdagangkannya, yang mengandungi methylamphetamine sebanyak —

(a) tidak kurang dari 40 gram dan tidak lebih dari 100 gram

(b) lebih dari 100 gram";

- (c) dengan memotong, dari bab 5 dalam ruang pertama, butiran dalam ruang kedua yang berkaitan dengan "Mengimport atau mengeksport methylamphetamine tanpa kebenaran" dan menggantikannya dengan butiran yang berikut —

"Mengimport atau mengeksport methylamphetamine tanpa kebenaran, jika banyaknya —

(a) tidak kurang dari 20 gram dan tidak lebih dari 50 gram

(b) lebih dari 50 gram".

Diperbuat pada hari ini 19 haribulan Zulkaedah, tahun Hijrah 1422 bersamaan dengan 2 haribulan Februari, 2002 di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM